

直隸叙永廳志卷九

水利志

直隸叙永廳

永寧河 東南二水合流一名水東一名界首經

西北二百五十里至納谿入江明洪武二十三

年永寧土官上言所轄水道一百九十灘江門

大灘有十二皆被石塞詔景川侯曹震往疏鑿

之二十四年景川侯按視有枝河通永寧乃鑿

石削巖舟楫始通至今利賴有陳南賓記

見藝文

直隸叙永廳志

卷九

水利

石獅碕 治西六十里即大魚碕碕口一石其狀

類獅泉流成溪溉田百畝

水流巖 治西六十里巖高百仞上出飛泉匹練

懸空不減廬山瀑布中有石碕昔人避兵於此

碕磨尚存水注巖下分爲二流引以溉田雖旱

不竭

白龍碕 赤水海螺堡巖高百餘丈碕在巖半前

人避兵以長木梯扳援而上可容千人下洞出

水長流至堡土人砌堰引之以溉田畝相傳古

有龍見故名

直隸叙永廳志

卷九

水利

一